



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ecclesiae Ac Doctrinae Lutheranæ Veritas, Ab  
impugnationibus Novissimorum Papistarum, Præcipuè  
Jodoci Keddii, Nec non Viti Erbermanni, Vindicata**

**Nifanius, Christian**

**Bilfeldiæ, 1673**

§. 30.

**urn:nbn:de:hbz:466:1-35616**

ab ædificio Fundamentum remove, à grege Pastorem, ab exercitu Imperatorem, solem ab astris, caput à corpore, quam an oporteat ædificium ruere, gregem dissipari, exercitum fundi, sidera obscurari, corpus jacere. Ita Bellarminus.

## §. 30.

Asserimus *secundò* primatum Pontificis Romani non fundari in ullo Concilio generali probato. Concilium œcumenicum primum Nicænum canone sexto in hunc modum sancit: *Antiqui mores servantur, qui sunt in Aegypto, Libya & Pentapoli, ut Alexandrinus Episcopus horum omnium habeat potestatem, quandoquidem & Episcopo Romano est consuetum, nempe ut vicinarum Urbis provinciarum Episcopos ordinet, & in eos ipsos ἐπισκοπήν excerceat. Similiter & in Antiochia & in aliis provinciis privilegia, dignitates & jura servantur Ecclesiis.* Manifestum satis hoc canone Romanam sedem suis limitibus includi, extra quos ei egredi non liceat, & æquari duabus aliis tunc Patriarchalibus sedibus, Alexandrinæ & Antiochenæ. Concilium œcume-

nicum secundum Constantinopolitanum itidem nullum Papatum universalem agnoscit, sed Constantinopolitanum in omnibus Romano æquat, quando canone tertio ita ponit: *Constantinopolitanus Episcopus habeat priores honoris partes post Romanum Episcopum, eo quod sit ipsa nova Roma.* Concedit nimirum Constantinopolitano τὸ πρεσβεῖα τῆς Ἱερῆς & addit causam διὰ τὸ εἶναι αὐτὸν νέαν Ῥώμην. Hunc canonem recipiunt & probant Patres Chalcedonensis œcumenici quarti Concilii, ubi ita statuunt & definiunt canone XXIIIX. *Sanctorum Patrum decreta ubiq; sequentes, & Canonem, qui nuper lectus est, centum & viginti Dei amantissimorum Episcoporum agnoscetes, eadem quoq; & nos decernimus ac statuimus de privilegiis sanctissime Ecclesie Constantinopolis novæ Romæ. Etenim antiquæ Romæ throno, quod urbs illa imperaret, jure Patres privilegia tribuerunt, recte judicantes urbem, qua & imperio & senatu honorata sit, & equalibus cum antiquissima Regia Roma privilegiis fruatur, etiam in rebus Ecclesiasticis non secus ac illam extolli ac magnifieri, secundam post illam existentem. Nihil obstat Leonem per Legatos suos contradixisse. Nobis enim sufficit, Canonem ex illo tempore firmo stetit*

tisse talo. Res tunc & postmodum in eo statu mansit, quem urbium dignitas & ordo requirebat & Patres Chalcedonenses confirmaverant. Quæ hic à *Theodor. Balsamone, Bellarmino, Baronio* aliisque objiciuntur, jam repetere ac refellere nolumus.

## §. 31.

Sed ne gratis hæc de proprio sensu & privato spiritu dixisse videatur *Erbermannus* contra *D. Musæum* aliosque Lutheranos sequentia subjungit: *Quia huc tandem lis universa Lutheranos inter & P. Keddium ceterosque Catholicos devoluta est, si Vir es, Musæe, hic pedem fige cum contribulibus tuis, & candidè quod res est, effare. Nunquid primarius fundamentalis articulus juxta vos est ille de Justificatione ex Fide speciali sine operibus ullis? Annuis opinor; & qui posses aliter, cum Protestantes passim illum appellent sumam, Cardinem, animam fidei, prorâ & puppim Christianitatis & Lutherus ipse omnium maximum? Jam vero si Augustane Confessioni artic. XX. credimus, doctrina de Fide, quam esse oportet in Ecclesia præcipuam, tamdiu jacuit ignota, quemadmodum fateri omnes necesse est, de fidei justitia altissimum fuisse silentium &c.*